



UGOVOR

Zaključen između Ugovornih strana:

- 1. KANTONALNI STAMBENI FOND SARAJEVO**, Sarajevo, ul. Hiseta 13A, kojeg zastupa direktor **Belma Barlov, dipl.ing.arh.**, (u daljem tekstu: **Naručilac usluga**) sa jedne strane
- 2. RECOM D.O.O.** Mostar, Društvo za reviziju, finansijski consulting i vještačenje, ul. Lacina b.b., Mostar, ID broj: 4227680000009, koje zastupa direktor Adisa Čomor, manager ekonomist (u daljem tekstu: **Davalac usluga**)

Član 1

(Predmet Ugovora)

Predmet ovog ugovora je nabavka usluga-Nabavka usluga računovodstvene revizije za potrebe Naručioca usluga nakon provedenog postupka javne nabavke putem Direktnog sporazuma i Odluke o izboru najpovoljnijeg ponuđača, broj: 02-03-196-3/2020 od 09.03.2020. godine, a prema ponudi Ponuđača, protokolisanom pod službenim brojem Naručioca usluga: 02-03-196-2/20, dana 18.02.2020. godine, koja je njegov sastavni dio.

Član 2.

(Vrijednost ugovora-cijena)

- (1) Ukupna vrijednost usluga koje su predmet ovog ugovora iznosi: **5.000,00 KM** (slovima: pet hiljada i 00/100 KM),
- (2) U cijenu iz stava (1) ovog člana nije uračunat PDV.
- (3) Cijena je fiksna i nepromjenjiva.
- (4) Cijena je utvrđena u skladu sa Tarifnikom revizorskih usluga („Službene novine Federacije BiH“, broj 52/15)
- (5) Finansijska sredstva za realizaciju predmeta ugovora obezbjeđena su Finansijskim planom Kantonalnog stambenog fonda Sarajevo za 2020. godinu, a vode se na Ekonomskom kontu broj: 5503 – Troškovi nabavke usluga računovodstvene revizije.

Član 3.

(Rok i način izvršenja usluge)

Davalac usluga obavezuje da će usluge koje su predmet ovog ugovora obaviti kvalitetno, stručno i u roku od 7 (sedam) dana od dana obostranog potpisivanja ovog ugovora.

Član 4.

(Obaveze Davaoca usluga)

- (1) Usluge koje su predmet ovog ugovora obuhvataju:
 - a) reviziju finansijskih izvještaja u 2019. godini koja podrazumjeva reviziju godišnjeg obračuna, i to bilansa stanja, bilansa uspjeha i ostalih izvještaja predviđenih Zakonom o računovodstvu i reviziji Federacije BiH i
 - b) usklađenost izvještaja sa Zakonom koja podrazumjeva reviziju finansijskih transakcija u cilju osiguranja njihovog urednog provođenja, evidentiranja i poštovanja zakonskih odredbi,

Član 5.

(Način plaćanja)

- (1) Davalac usluga se obavezuje da Naručiocu usluga ispostavi fakturu za izvršene usluge koje su predmet ovog ugovora.
- (2) Dostavljena faktura Naručiocu usluga predstavlja osnov za plaćanje.





(3) Plaćanje se vrši se na transakcijski račun Davaoca usluga, a prema uslovima iz Ponude:

- a) 50% po potpisivanju Ugovora,
- b) 50% nakon završetka revizije i ispostavljanja fakture sa obračunatim PDV-om.

(4) Naručilac usluga se obavezuje da u roku od 30 dana od prijema ispostavljene fakture izvrši plaćanje na račun Davaoca usluga.

Član 6.

(Raskid Ugovora)

U slučaju da se utvrdi da jedna od ugovornih strana neuredno izvršava obaveze prema ovom ugovoru, druga strana ima pravo na raskid Ugovora, o čemu će pismenim putem obavijestiti Ugovornu stranu koja neuredno izvršava svoje obaveze, u roku ne dužem od tri (3) dana nakon saznanja o neurednom izvršenju.

Član 7.

(Mjesto izvršenja usluge)

Mjesto izvršenja usluga je sjedište Naručioca usluga, Hiseta 13A Sarajevo.

Član 8.

(Viša sila)

(1) Ugovorne strane se neće smatrati odgovornim za kašnjenje u ispunjavanju obaveza prema ovom ugovoru ako je kašnjenje uslijedilo zbog više sile.

(2) Pod višom silom podrazumijevaju se slučajevi koji se mogu pojaviti poslije stupanja Ugovora na snagu, a koji nisu pod kontrolom nijedne ugovorne strane, niti se objektivno mogu predvidjeti, a sprječavaju jednu ili obje ugovorne strane u ispunjavanju njihovih obaveza.

Član 9.

(Zaštita prava)

(1) Sve eventualne sporove po ovom ugovoru, Ugovorne strane će nastojati riješiti sporazumno, a ukoliko do sporazuma ne dođe, za rješavanje spora nadležan je Sud u Sarajevu.

(2) Na sva prava i obaveze Ugovornih strana koja nisu regulisana ovim ugovorom, primjenjivat će se odredbe Zakona o obligacionim odnosima.

Član 10.

(Broj primjeraka ugovora)

Ovaj ugovor je sačinjen u 4 (četiri) istovjetna primjerka, po 2 (dva) za obje ugovorne strane.

Član 11.

(Stupanje na snagu)

(1) Ovaj ugovor stupa na snagu danom potpisivanja od strane ovlaštenih predstavnika Ugovornih strana.

NARUČILAC USLUGA:
KANTONALNI STAMBENI FOND
SARAJEVO


direktor **Belma Barloy, dipl.ing.arh.**

Broj: 02-03-196-4/2020
Datum: 09.03.2020.godine

DAVALAC USLUGA:
„RECOM,, D.O.O. MOSTAR


direktor **Adisa Čomor, manager ekonomist**

Broj: 149-03-2020
Datum: 13.03.2020

